

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।लक्ष्मण रामाल 'चिलिमि'
प्रोप्राइटर

लाखा छँ

LAKHA CHHEN



सोह्रखुटे, वडा नं. १६, येँ, फोन नं.: ४३६०७५८

थुकि दुने

कांग्रेसया जागरण अभियान व छायाँ सरकार
श्रीकृष्ण महर्जन -२चाकवा:छ: अर्थात मीननाथया रथजात्रा
मुनीन्द्ररत्न बज्राचार्य -३विश्वकप क्रिकेट
इंग्ल्यान्ड मू
दावेदार

प्रजीत शाक्य -६

"थौकन्हे" लयपौ
६९दै बुन्हिया थी थी लु
४-५ पेज

युद्धया इतिहास नाप स्वाका यंकाच्वन किपू

कीर्तिलक्ष्मीया प्रतिमा तयेगु नितिं समिति नीस्वन

लहना संवाददाता

नेपा:या इतिहासय हे पृथ्वी नारायण शाहया फौजयात तत्कालिन अवस्थाय निक्व: तक पराजय या:पिं किपूमित ख: धका: उल्लेख जुयाच्वंगु दुसा उकिं किपूमित धाईपिं वीर धायगु याना वयाच्वंगु दु । न्हापा राजतन्त्र दुगु इलय राजतन्त्रया विपक्षय न्ह्याबले दुपिं धका: किपूमितयत हे परिभाषित याइगु ख:सा किपून्हापामिसें युद्धनाप स्वानाच्वंगु थाय कथं नं नालात:गु दु । तत्कालिन अवस्थाय पृथ्वीनारायण शाहपाखें युद्धया नियम अ:ख: षडयन्त्र याना कब्जाय काय धुका: नं किपूमितयगु न्हाय म्हुतु ध्यंगु धइगु त:धंगु अपराध या:गु ख: धका: इतिहासकारनिसें आदिवासी जनजाति अभियन्तापिन्सं धायगु याना वयाच्वंगु दु ।

लिपांगु इलय वया नेपालय संविधानसभापाखें न्हूगु संविधान वल अले देशय नेवा: नाप आदिवासी जनजातितयगु हक अधिकारमव:गु ताथका आदिवासी जनजाति नेवा:तयसं न्हापामिसें किपूमितयसं पृथ्वीनारायण शाहया नामय थुकलं बिइगु याना वयाच्वंगुयात मंका:



कीर्तिलक्ष्मी पृथ्वी नारायण शाहया
फौज किपुलिइ आक्रमण या:गु इलय
किपूया नेतृत्व याना: पृथ्वीनारायण
शाहयात निक्व: तक पराजित
या:म्ह किपूया वीरताया प्रतिक कथं
कीर्तिलक्ष्मीया प्रतिमा तयगु कुत:
या:गु दु ।

कथं अभियान हे न्ह्याकल । अन्तत: छुं
दै लिपा थुगुसी ला पृथ्वीनारायण शाहया
नामय थुकलं बिइगु किपूया छ्याक: ल्वहं

तर्क राज्य घेराबन्दी याना बिल । उकिं नं उगु
ल्वहतय थुकलं बिइगु धइगु पृथ्वीनारायण
शाहया नामय हे थुकलं बिया वयाच्वंगु
धका: पुष्टि यायगु ज्या जुल ।

थ्व हे इवलय किपू नगरपालिकां तकं
छ्याक: ल्वहं लागाय युद्धपार्क दयकेगु ज्या
न्ह्याकूगु दु । किपूया इतिहास युद्ध नाप
स्वनाच्वंगु अले पर्यटकत नं व हे युद्धया
इतिहास सिइकेत वइगु जुया अज्व:गु
कथंया युद्ध पार्क दयकेगु ज्या किपू
नगरपालिकां न्ह्याकूगु खने दु । स्थानीय
सरकार किपू नगरपालिकां गुगु कथं युद्ध
पार्क दयकेगु ज्या न्ह्याकल थुकिं याना
किपूया युद्धया इतिहासयात पिब्वयफइगु
नापं कन्हय वना पर्यटकतयगु नितिं छू
महत्वपूर्णगु थाय जुइगु संभावना अप्वया
वनाच्वंगु दु । उकिं किपूयात किपूमितयसं
जक मखु किपुलिं पिने च्वीपिन्सं तकं युद्ध
नाप स्वाका स्वयगु यानाच्वंगु खने दु ।

ता ई लिपा किपुलिइ कीर्तिलक्ष्मीया
प्रतिमा तयगु नितिं मा:गु कथंया ज्या
न्ह्याकूगु दु । प्रदेश नम्बर ३ या सांसद
पुकार महर्जनया पहलकदमिइ प्रदश
सरकारपाखें हे कीर्तिलक्ष्मीया प्रतिमा तयत

त्यं ७ पेजय

नेवा: पत्रकार
राष्ट्रिय दबूया
स्वक्व:गु त:मुँज्या
कार्तिक ३० गतेनेवा: यत्रवान नाँटान नव
National Forum of New Journalists
न.सं. ११३२

देय्यंकया नेवा: पत्रकारतयगु
राष्ट्रिय संगठन नेवा: पत्रकार राष्ट्रिय
दबूया शुक्रवा: किपुलिइ च्वंगु
मुँज्या स्वक्व:गु त:मुँज्या थ्व हे वइगु
कार्तिक ३० गते शनिवा: धका:
निर्णय या:गु दु । कार्तिक ३० गते
जुइगु स्वक्व:गु त:मुँज्या येँ यायगु
धका: नं निर्णय या:गु दु । अथे हे
साउन महिना लच्छिया दुने फुक्क
जिल्लाया अधिवेशन यायगु नाप
न्हूगु जिल्ला दयकेगु ज्या तकं
यायगु धका: निर्णय या:गु दु । अथे
हे नेवा: पत्रकार राष्ट्रिय दबूया
न्हूपिं ज: अर्थात सदस्य जुइपनिगु
नितिं खुल्ला यायेगु, पुलापिन्त
नविकरण याकेगु कथंया नं तयारी
या:गु दु । त:मुँज्याया नितिं मा:गु
कथंया तयारीया बारे छवा:या दुने
दबूया केन्द्रीय सचिवालयया मुँज्या
च्वनीगु जूगु दु । नेवा: पत्रकार राष्ट्रिय
दबू संघीय संरचना कथं विधान तयार
याना न्ह्या:वंगु अवस्था दुगुलिं
आर्विल संघीय संरचना कथं यंकेगु
जुइ धका: नं धा:गु दु ।

सडक विस्तारया नीतिइ ह्युपा: व:गु मदु: राजेन्द्र श्रेष्ठ



येँ । संघीय समाजवादी पार्टी नेपाल
व नयाँ शक्ति पार्टीया दथुइ एकता जुइ
धुंका: तत्कालिन संघीय समाजवादी
पार्टी ज्वंगु सडक विस्तार सम्बन्धि नीतिइ
ह्युपा: हइगु ख:ला धका: मन्तयसं
आशांका यानाच्वंगु अवस्थाय न्हूगु पार्टी
समाजवादी पार्टी नेपालया कार्यबाहक
नाय: राजेन्द्र श्रेष्ठ उज्व:गु नीतिइ ह्युपा:
व:गु मदु धका: स्पष्ट यानादीगु दु । वंगु
विहिवा: नेवा: पत्रकारतिलसे नापलायगु
इवलय सांसद तकं जुयादीमह श्रेष्ठ
अथे धयादीगु ख: । तत्कालिन नयाँ

शक्ति पार्टी सडक विस्तारया पक्षय दुगु
अले संघीय समाजवादी पार्टी सडक
विस्तारया विरोधय दुगु अवस्थाय
थ्व निगू पार्टी एकता जुइ धुंका: आ:
छु याइगु ख: धका: मन्तयसं न्हयस:
तयाच्वंगु इलय कार्यबाहक नाय: श्रेष्ठ
अथे धयादीगु ख: ।

समाजवादी पार्टी नेपालया
कार्यबाहक अध्यक्ष नाप सांसद श्रेष्ठ
आदिवासी जनजातिया अधिकारनिसें
आइएलओ १६९ कार्यान्वयन यायगु,

त्यं ७ पेजय

तान्व:या पासा
कुल्फी
भापिया दिसँ ।
Himalayan
Ice
धौ दुरु ध्य: बटर व
क्रिम बजारय उपलब्ध दु
सुर्वाचनारक नगरपालिका, वडा नं.: १, सिरुटार घन्सार, ख्वप
९८४३३५३३५९१, ९८१३३४९०१५, ९८१३३४९०१५

Trendiest Fashion
At Price You Love
ufo
THE CLOTHING STORE

सम्पादकीय



हिंसाया लंपुपाखें आज्जु पूर्वनीमखु

न्हापां न्हापा नेपालबन्दया आह्वान यात कि मनूतयसं उकियात समर्थन याना: देशय दयाच्वंगु अन्याः, अत्याचार विरुद्धया मौन समर्थन याइगु खः। उगु इलय् बन्दयात छगूकथं देशय दयाच्वंगु अनियमितता, भ्रष्टाचार, कुशासनयात वांछवया मनूतयगु शान्ति सुरक्षा, हक अधिकार, नागरिक स्वतन्त्रता पलिस्था यायगु नितिं थ्वयकेगु सः वा विद्रोहकथं काइगु खः। थुकियात स्वतःस्फूर्त समर्थन याइगु खः।

बन्दयात राजनीतिक पार्टी देशय दयाच्वंगु कुशासन, कुनियत स्वयां न थःगु अनुकूल मजुइवं बन्द यायगु ज्या यानाहल। देशय थुलि थित्तिथिइक बन्द जुल कि बन्दया विरुद्ध हे बन्द यायगु खः ला ? गबले गबले बन्द जुइगु खः, व क्यालेण्डरय हे तयमाःगु खःला धइगुकथं ब्यङ्ग तर्क यायगु ज्या जुल। गुकिं याना: बन्दयात कया: मनूतयगु श्रद्धा मनू विद्रोहया भाव ब्वलन। अलय् मनूतयत बन्द धाल कि छाय् बन्द यायमाःगु खः ? थुकिं याना: जनतायात फाइदा मखु, सास्ना जक बीगु ज्या जुल, थुकियात सदाया नितिं बन्द हे याना छ्वयमा: धका: सःतर्क तयगु ज्या जुल। थौकन्हय न बन्दयात कया: थ्व हे भाव जनतातयसं स्वयाच्वंगु दु।

थ्व हे इवलय् लिपांखुसी म्हिगः हे जक नेपाल कम्युनिष्ट पार्टी विप्लवपाखें नेपालबन्दया घोषणा यात। थः कार्यकर्ता भोजपुरया तीर्थराज घिमिरेयात स्याःगु विरोधय थुकथं घोषणा याःगु खः। थुगु घोषणाया इवलय् स्वनिगःलिसें देशया थीथी थामसय् बम विष्फोट याना: मनूतयत आर्तकित यायगु ज्या जुल। गनं प्रेसरकुकर बम, गनं टुकय् मि तया: आर्तकित यात। तर थुकिया लिच्वः छु जुइगु खः थुकिं छु प्राप्त जुइगु खः धइगु खँय सकस्यां स्यू कि व आर्तक व पार्टीप्रति नकारात्मक भावना जक खः। थुकिं याना: बांलाःगु खँ दुश्याःसां व गौण जुयाच्वनी। आर्तकया व नकारात्मक भावनाया किचलय् लाःवनी।

जनतातयसं थजाःगु ज्याखँपाखें बांलाःगु लिच्वः वइ धइगु आशा हे याय् त्वःतेधुंकल। थुकिया दसू धइगु तत्कालिन नेकपा माओवादी खः। माओवादी भिदँया जनयुद्ध याना: जनता संविधानसभाया चुनावय् ग्वाहालि न याःगु खः। तर जनताया आशा अःखः नेता व कार्यकर्ता न्हयज्याःगु व थौं सत्ताय् च्वना: जनताया हकअधिकार तर्क कुण्ठत यायगु खँय न्हयाःवनाच्वंगुलिं थजाःगु राजनीतिया फाइदा धइगु जनता व राष्ट्रयात मखु, ब्यक्ति (नेता)तयसं जक थःगु स्वार्थपूर्ति याइगु खः धइगु थुइकेधुंकल। व हे माओवादी पार्टीइ वःगु विचलनयात कया: हाकनं देशय जनवादी हय् धका: क्रान्ति याःसां न उकियात समर्थन याइ धइगु खँय अफ्नं नं शंका हे दनी। थ्व स्वयां न्हयःया बन्दपाखें थजाःगु हे शिक्षा ब्यूगु खःसा म्हिगः न्हापा स्वयां अप्वः आर्तकित यायगु ज्या जुलसा थुकिं सत्तापक्षयात स्वयां प्रत्यक्ष अप्रत्यक्षकथं बन्दकर्तातयत हे लाइगु खँय निगू मत दइमखु। उकिं हिंसात्मक लंपुयात नालाः, जनतायात ख्याना: थःगु आज्जु पूर्वकेगु स्वयां वार्ताया माध्यम, जनतायात थुइकेगुकथं न्हयज्यात धाःसा जक जनतां न सकारात्मककथं कया: उमिगु मागयात समर्थन याइ। थुकिया दसू धइगु तत्कालीन प्रधानमन्त्री गिरिजाप्रसाद कोइराला व नेकपा माओवादीया नायः पुष्पकमल दाहाल प्रचण्ड दथुइ जूगु शान्ति सम्झौतापाखें न पाठ कायमाःगु आःया आवश्यकता खः।

त्वमिपिठत इनाप

लहना वाःपतिइ लेख, रचना, रिपोर्ट व समाचार छ्वयादीफइ। छिकपिसं छ्वयादीगुयात थुगु वाःपतिइ थाय् बियाच्वना। पिदंगु च्वसुयात उचित पारिश्रमिक बीगु न सुचं बियाच्वना।

लहना वाःपौ
भोर्छे, यँ

lahana.news@gmail.com

कांग्रेसया जागरण अभियान व छायाँ सरकार



श्रीकृष्ण महर्जन

संविधानसभापाखें न्हूगु संविधान वय् धुंका: स्वंगू हे तहया संरचनाय हे प्रमुख प्रतिपक्ष जुइत बाध्य जूगु नेपाली कांग्रेसया भूमिका व कांग्रेसया कार्यशैली नापं नीतिपाखें मुलुकया राजनीतिइ लिच्वः लाइगु खः। सरकारया नेतृत्व यानाच्वंगु दल डबल नेकपा ला थःगु नीति व योजना कथं न्हया: वनीगु स्वाभाविक हे खः। थःके दुई तिहाई बहुमत दु धका: तायका मेपिनिगु खँ न्यनाच्वनेमाःगु आवश्यकता मदु धका: तायक वर्तमान सरकार न्हया: वनाच्वंगु दु धका: प्यखेरं महसूस याना हयाच्वंगु दु। लिपांगु इलय् वया मिडिया विधेयकानिसें मानव अधिकारसम्बन्धि विधेयकयात कया तं सतर्कनिसें संरचार माध्यमपाखें विरोध यानाच्वंगु दुसां सरकारयात खास हे लिच्वः लानाच्वंगु खने मदु अले माल

थःपिनिगु पक्षय् पूरा हे कार्यकाल तक नं दुई तिहाई बहुमत दइ धका: डबल नेकपां ताय् काच्वंगु दु। उकिं नं वर्तमान सरकारं खास हे मेपिनिगु खँयात वास्ता यानाच्वंगु मदु धका: स्पष्ट जूगु दु।

छखे सरकार थःगु हे कथं न्हया: वनाच्वंगु दुसा मेखे प्रमुख प्रतिपक्ष दल नेपाली कांग्रेस आन्तरिक विवादया दथुइ नं जनताया न्हयःने वनेगु धका: जन जागरण अभियान न्हयाकाच्वंगु दु। पार्टी दुने भागबन्डा कायम हे दुगु, नेतृत्वया बारे विवाद जुयाच्वंगु, जनवर्गिय संगठनया बारे नं समस्या हे जुयाच्वंगु इलय् जूसां न कांग्रेस जनजागरण अभियान न्हयाकूगु धइगु बास्तवय् ओली सरकारया विरुद्ध सतकय वना खँ तयगु, पार्टीया नेता कार्यकर्तायात परिचालन यायगु ज्या याःगु खने दु। पार्टी दुनेया विवाद समाधान मजुगु अवस्थाय नं ओली सरकार विरुद्ध अभियान न्हयाकूगु धइगु कांग्रेसया कमि कमजोरी, पार्टी दुनेया ल्वापु धइगु खास तःधंगु मखु धका: क्यनेगु नितिं जर्क मखुला धका: न्हयसः ब्वलनीगु स्वाभाविक हे खः। मखुसा चुनावय् पराजय जूगुया मूल कारण धइगु पार्टी दुनेया विवाद, अन्तरघाट लगायत खः धका: स्वीकार यानाच्वंगु खःसां उकियात ज्यकेगु ज्या मयाइगु अले सरकार विरुद्ध अभियान न्हयाकेगु कथंया जन जागरण

क्वहां वयगु धका: पला: ल्हवंगुया संकेत खः। सदनय नं लिपांगु इलय् वया सशक्त कथं विरोध यायगु अले सतकय वया नं खँ तयगु ज्या यानाच्वंगु दु। ओली सरकारया नीति तथा कार्यक्रम वसानिसें हे कांग्रेस सदयन नं सशक्त कथंया सः तयगु यानाहःगु खः। न्हापा न्हापा जूसा सदनय प्रतिपक्ष दु कि मदु ? प्रतिपक्ष कांग्रेस हे खः ला कि मखु धका: तर्क न्हयसः ब्वलना वयाच्वंगु खःसा आः वया प्रतिपक्षया भूमिका म्हितेगु कुतः कांग्रेसपाखें याःगु खने दु। बजेटया नीति तथा कार्यक्रम कांग्रेस सांसदयगु विरोधया बाबजुत न. पारित यायगु ज्या जूगु दुसा आः बजेट नं उगु हे कथं कांग्रेसया विरोधया बाबजुत नं पारित याइगु अवस्था वइ। कांग्रेस बजेटया विरोध याइ अले अय् नं पारित याना हे त्वःती। थुगु ल्याखं स्वल धाःसा कांग्रेसया विरोध धइगु विरोधया नितिं विरोध थें जक च्वनीगु अले सत्तापक्ष न्हयाथे याना नं पारित हे याना त्वःतीगु अवस्था वइ। थुगु कथं मुलुकय प्रमुख राजनीतिक दलया भूमिका जुयाच्वंगु दुसा उखे पहिचान पक्षधर, उत्पीडा समुदायपाखें धाःसा खास हे तःधंगु आशा याय् फयाच्वंगु मदु। समानता दयमाः धाइपिनिगु नितिं माःगु कथंया सः सत्तापक्ष व विपक्ष न्यनाच्वंगु खने मदु।

वास्तवय् जनताया सः न्यनेगु अले सदननिसें सतकय तर्क सः तयगु ज्या याय्



धाःसा भिकेगु जुइ, विरोधया नितिं विरोध जक याइगुया अर्थ मदु धका: तर्क धायगु यानाच्वंगु दु। उकिया अर्थ धइगु वर्तमान केपी शर्मा ओली नेतृत्वया सरकारया पक्षय् दुई तिहाई बहुमत दुगु अले व हे बहुमतया आधारय माल धाःसा संविधान संशोधन तर्क याय्फइगु जुया विपक्षी दलया भूमिकायात खास हे वास्ता यानाच्वंगु मदु। उलि जक मखु प्रधानमन्त्री केपी शर्मा ओली तर्क कांग्रेस गन दु धका: तर्क न्हयसः तयगु ज्या यानादीगु दु। उकिया अर्थ धइगु कांग्रेसयात खास हे प्राथमिकता बियाच्वंगु खने मदु धका: स्पष्ट जूगु दु।

संघीय समाजवादी फोरम नेपाल व नयाँ शक्ति नेपाल एकता जुया समाजवादी पार्टी नेपाल गठन याय् धुंका: नं ओली सरकारप्रति न्हापा फोरमया गज्वःगु नीति खः अज्वःगु हे नीति जुयाच्वंगु, संविधान संशोधन याय्माल धका: धायगु अले तत्काल सरकार मत्वःतेगु नीति ज्वंगुलिं नं ओली सरकारयात थप बल जुयाबिउगु दु। समाजवादी पार्टी नेपाल सरकार त्वःता: वनेफइगु अवस्था मदु अले वन धाःसा उगु पार्टी छुं हे याय् फइगु अवस्था मदु धका: ओली सरकारं ताय्काच्वंगु दुसा

छायाँ सरकार दयेकेगु धका: कांग्रेसं आः जक धयाच्वंगु अवस्थ नं मखु। थनि खुलासिबें न्हयःनिसें छायाँ सर कार दयेकेगु धाःगु खः तर आः वया जक दयेकेगु ज्या याःगु धइगु मुल रूपं ओली सर कार विरुद्ध सदननिसें सतकय तर्क क्वहां वयेगु धका: पला: ल्हवंगुया संकेत खः।

ज्याइवः न्हयाकूगु धइगु बास्तवय् नेता व कार्यकर्तातयत परिचालन यायगु नापं सरकार विरुद्ध सतकय अप्रत्येक्ष रूपं क्वहां वःगु हे खः धका: धाय्फइगु अवस्था दु।

नेपाली कांग्रेस छायाँ सरकार बल्ल बल्ल दयेकेगु ज्या यात। छायाँ सरकार दयेकेगु धका: कांग्रेसं आः जक धयाच्वंगु अवस्थ नं मखु। थनि खुलासिबें न्हयःनिसें छायाँ सरकार दयेकेगु धाःगु खः तर आः वया जक दयेकेगु ज्या याःगु धइगु मुल रूपं ओली सरकार विरुद्ध सदननिसें सतकय तर्क

माःगु धइगु प्रमुख प्रतिपक्ष नेपाली कांग्रेस हे खः। नेपाली कांग्रेस समानताया सवालय् पहिचानया सवालय् जनताया अधिकारया सवालय् गुलि सः तयफत उलि हे सत्तापक्ष न्यनेत व सम्बोधन याय्त बाध्य जुइगु खः। तर उगु कथंया ज्या जुयाच्वंगु खने मदु। उकिं आःया इलय् कांग्रेस न्हयाकाच्वंगु जनजागरण अभियान धइगु जनताया सः थ्वयकेगु छगू माध्यम जुइमाः। सत्तापक्षया ब्वः बिइगु नितिं जक मजुसे जनताया सः तयगु, जनताया भावना पिब्वयगु माध्यम जुइमाः अले सदननिसें सतकय तर्क जनताया भावना कथं थःपिं न्हयः वने, सरकारयात खबरदारी याय् धका: धायगु प्रतिबद्धता प्वकेगु ज्या यायगु अभियान जुइमाः। अथे हे छायाँ सरकार नं जनताया प्रतिनिधि जुया सम्बन्धित मन्त्रालयया खँ पित हयगु नापं जनताया पक्षय् ज्या याकेगु नितिं दबाव बिइगु नितिं लकस ब्वलंकेगु ज्या यायगु नितिं छगू कथंया संरचनाया रूपय् विकास यायेमाः। थुगु खँय ध्यान तल धाःसा अवश्य नं जनताया हित जुइ, प्रमुख प्रतिपक्षयात नं बांलाःगु मिखां जनतां स्वइ धका: थुइकेमाः।

चाकवाःद्यः अर्थात् मीननाथया रथजात्रा

महगस्य उम्ह द्यवं जुजुयात धाल, 'सुथ न्हापां दनाः स्वयंबलय् छम्ह भंगः गन च्चनाच्चनी, अन छगू विहार दय्का ब्यू' धकाः द्यःत अन्तर्धान जुल । कन्ह्य कुन्हु जुजुं कःसिं स्वःबलय् छम्ह भंगः उत्तर दिशाय् ब्वयाः सिमाय् च्वंवन । जोशीयात क्यनाः बांलाःगु साइत स्वयाः उगु हे थासय् देगः दय्काः जटाधारी लोकेश्वरया मूर्ति दय्काः पलिस्था यात ।



मुनीन्द्ररत्न बज्राचार्य

जटाधारी लोकेश्वर मीननाथया उत्पत्ति :

वर्षा व सहकालया द्यःकथं कयातःमह बुंगद्यःया जात्रा थौकन्ह्य जुयाच्चंगु दुसा थुगु रथ जात्राय् बुंगद्यः अर्थात् पद्मपाणी लोकेश्वरया नापनापं चाकवाःद्यःया रथ जात्रा नं जुजुगु खः । तर करुणामय जात्राया इलय् थुम्ह द्यःया किचलय् लानाच्चंगु खनेदु । अथेखःसां थ्व द्यःया रथयात्रा मदय् कं जात्रा हे पूवनी मखु ।

मीननाथकथं नं म्हस्यूम्ह थुम्ह द्यःया उत्पत्तिया सम्बन्धय् छगू पौराणिक बाखं दु । परापूर्वकालय् द्वापर युगया अन्त्यपाखे लिच्छवी शासनकालय् बृषदेव नांयाम्ह जुजुं राज्य याइगु खः । जुजु वृषदेव न्हियांन्हिथं बज्रयोगिनीया दर्शन यानाः जक नय्त्वनेगु याइ । छन्दु लंग्ख्यःया स्थूया चैत्र याना च्वंच्चं जुजु छक्वलं हे अचेत जुल । उगु इलय् यमदूतया दूतपिन्सं जुजुयात यमपुरीपाखें यंकल । उगु यमपुरीइ नं श्री आर्यावलोकितेश्वरं पापीपिनिगु उद्धार यानाच्चंगु खः । थजाःगु अवस्थाय् श्री करुणामय जटाधारी लोकेश्वरं थः म्वः



मूर्ति ज्वनाः चक्रवर्ण महाविहारय् (चक्रम महाविहार वा चक्रबाहाः) च्वं वन । छन्दु जुजुं जटाधारी लोकेश्वरया महगस खन । लोकेश्वरं अन मच्चनेगु मनसाय क्यन । नापं महगसय् उम्ह द्यवं जुजुयात धाल, 'सुथ न्हापां दनाः स्वयंबलय् छम्ह भंगः गन च्चनाच्चनी, अन छगू विहार दय्का ब्यू' धकाः द्यःत अन्तर्धान जुल । कन्ह्य कुन्हु जुजुं कःसिं स्वःबलय् छम्ह भंगः उत्तर दिशाय् ब्वयाः सिमाय् च्वंवन । जोशीयात क्यनाः बांलाःगु साइत स्वयाः उगु हे थासय् देगः दय्काः जटाधारी लोकेश्वरया मूर्ति दय्काः पलिस्था यात । उगु विहार 'जेष्ठवर्ण महाविहार'या नामं लोकह्वात । चर्खुचा च्वंगु विहारया द्यः जुगुलिं मीननाथयात 'चाकवाः द्यः' वा 'चाकवाः द्यः' धाःगु खः । उगु इलनिसें जुजु बालाचरण जटाधारी लोकेश्वर अर्थात् चाकवाःद्यःया रथ दय्काः रथ सालाः जात्रा याय्गु परम्परा न्ह्याकल । मीननाथयात बैशाख शुक्ल चतुर्थिया दिनस रथारोहण याकेगु चलन न्ह्याकल ।

यमराजं जुजुयात जिगु मूर्ति दय्काः पलिस्था या धकाः महगसय् क्यंवल । जुजुं यमराजया मूर्ति दय्काः मीननाथ लोकेश्वरया नामाकरण यानाः पलिस्था यात । उगु हे दैय् चैत्र शुक्ल पक्ष अष्टमि तिथ्य नक्षत्र आयुष्मान योग बृहस्पतिवारया दिनस मीननाथ लोकेश्वरया मूर्तियात जीवन्त्यास यानाः प्राणप्रतिष्ठा यात । उगु इलनिसें मीननाथ लोकेश्वरया दैय्दसं शाक्य बौद्धाचार्यपाखें दशकर्म विधि यानाः नित्याचरण याय्गु गुधि नीस्वन ।

थासं बौद्धाचार्यपिन्सं हइगु खःसा द्यःयात पश्चिम स्वकाः स्नानमण्डपय् विराजमान याकाः जुजुया उपस्थितिइ सिजःया घलं महास्नान अर्थात् न्हवं याःगु खः । महास्नान याय्धुंकाः ब्रह्मकूप धकाः सिजःयाथलय् तयाः रंगरोगन याइ । थुकथं रंगरोगन याय्गु विधियात 'लँपु छायागु' धाइगु खः । १३न्हु लिपा त्रियोदशिया दिनस मीननाथया मूर्तियात ब्रह्मकूपपाखें पितहयाः वसः व मत् पुइकेगु ज्या याइसा तिसां तीकाः आसनय् बिज्याकाः बज्रचार्य गुरुजुपिन्सं विधि विधानपूर्वक यज्ञादि होम यानाः जीवन्त्यास यासें प्राण प्रतिष्ठा व दशकर्म विधि याइ ।

चाकवाःद्यःया जात्रा पद्मपाणी लोकेश्वर अर्थात् बुंगद्यःथें चाकवाःद्यः अर्थात् मीननाथ लोकेश्वरया जात्राया नं थःगु हे विशेषता दु । न्हापा न्हापा दलाछें त्वाःया लोकेश्वर व स्वथया नारायणद्यःया रथ जात्रा याइगु खः । मीननाथयात नं रथ दय्काः सालेगु परम्परा दुगु खः । लिपा मच्छेन्द्रनाथ अर्थात् बुंगद्यः नेपाः ह्यधुंकाः कालिगत सम्बत् ३६९४ अर्थात् वि.सं. ६५०य् बुंगद्यःया रथया नापनापं चाकवाःद्यःया रथ नं सालेगु परम्परा न्ह्यात । तर मेमेगु रथ सालेगु परम्परा धाःसा दिनावन ।

चाकवाःद्यःया न्हवं (महास्नान) चाकुवाःद्यःया जल अभिषेकया खँय् थथे च्यायातःगु दु कि कालिगत सम्बत् ३६०० अर्थात् वि.सं. ५५६पाखे यलया सूर्यवंशी लिचवी जुजु वरदेवं थःगु राज्यकालय् यल शहर दय्काः ललितपतन नामाकरण यानाः ९द्वः छैखाया बन्दोबस्त यानाः मीननाथया देगः लिक्क वायव्यपाखे स्नानमण्डप दय्काः थाय् थासय् च्वंगु तीर्थस्थलपाखें जल हयाः दैय्दसं बैशाख माहिनाया कृष्ण पक्षया प्रतिपदाया दिनस न्हिनय् चाकवाःद्यःया मूर्ति तयातःगु

चाकवाःद्यःया महास्नान अर्थात् न्हवं क्वचाय्धुंकाः रथजात्राया नितिं रथ तयार याइ । चाकवाःद्यःया रथ बुंगद्यःया रथ स्वयां भवा चीजाः जुइ । चाकवाःद्यःया रथ ३२गू लक्षणं पूर्ण जुइ । दश भूवनया प्रतीककथं भिन्प्यकु ल्हाः अर्थात् २१गूफिट तःजाःगु रथ दय्की । रथय् प्यचाः दइ । रथयात भैलद्यःया प्रतीककथं काइ । अथे हे रथया दशुइ च्वंगु सिंयात नागया प्रतीककथं काइगु खः ।

चाकवाःद्यःया रथ बुंगद्यःया रथया नापनापं पूच्वःनिसें न्ह्यःन्ह्यः साला हइगु खःसा गाःबहाः याः धुंकाः बुंगद्यः रथया ल्यूल्यु साला हइगु खः । थुगु रथयात नं बुंगद्यःया रथया नापनापं साला लंग्ख्यःया थिति त्वालय् तइगु खः । चान्ह्य नैक्यालं लुनाः ध्वजा पताका छायागु याइ । लिपा साइत स्वयाः बुंगद्यःया नापनापं जाह्वलाख्यः यंकी । बुंगद्यःया भोटो क्यनेगु ज्या क्वचाय्चं चाकवाःद्यःया मूर्तियात नं खतय् तयाः थःगु हे मूलस्थानय् तय् हइगु खः ।

चाकवाःद्यःया रथ बुंगद्यःया रथया नापनापं पूच्वःनिसें न्ह्यःन्ह्यः साला हइगु खःसा गाःबहाः याः धुंकाः बुंगद्यः रथया ल्यूल्यु साला हइगु खः । थुगु रथयात नं बुंगद्यःया रथया नापनापं साला लंग्ख्यःया थिति त्वालय् तइगु खः । चान्ह्य नैक्यालं लुनाः ध्वजा पताका छायागु याइ । लिपा साइत स्वयाः बुंगद्यःया नापनापं जाह्वलाख्यः यंकी ।



लहुया प्याःगु जटायात तिस्सिनाः पापीतयूत लः त्वंकाः उद्धार यानाच्चंगु लू जुजुं खन । थ्व इलय् अन गुणकाण्डब्यूहया सूत्र पाठ यानाच्चंगु नं खन । जुजुयात यमपुरीइ वय्गु ई मज्जुन धकाः हाकनं पृथ्वीइ हे लित छ वयाहल ।

जुजु बृषदेवं श्री आर्यावलोकितेश्वरया भाव भक्ति यानाः थःगु दरबारय् गुणकाण्डब्यूह सूत्र पाठ याकेबिल । दरबारय् नं यमलोकय् खंम्ह करुणामय अर्थात् जटाधारी लोकेश्वर अर्थात् चाकवाःद्यःया दर्शन याय्गु इच्छा दुगुलिं थःम्हेस्यां खनाम्ह थें च्वम्ह जटाधारी लोकेश्वरया मूर्ति दय्काः पलिस्था यानाबिल । राजदरबारया छगू कुनय् धर्मराजया नां (यमपुरी) तयाः मेगु मूर्ति नं पलिस्था यात ।

जुजु बृषदेव मदय्धुंकाः वय्कःया किजा बालाचरण राजगद्दीइ च्वन । देशया अवस्था स्यस्यं वनेवं जुजु बालाचरण राजदरबारय् पलिस्था यानातःमह जटाधारी लोकेश्वरया

चाकवाः द्यःया रथ नं बुंगद्यःया रथया नापनापं सालाः जात्रा याय्गु परम्परा न्ह्याकल । मीननाथ लोकेश्वरया पलिस्था याःगु इलय् मतयाः जात्रा याय्गु चलन नं न्ह्याकल ।

मीननाथ पलिस्था याःगु खँय् वंशावलीइ थुकथं च्यायातःगु दु । सत्ययुगय् यमराजं मत्स्य अवतार अर्थात् मीनयात सुखावती भूवनपाखें मर्त्यमण्डल नेपाः वय्धुंका मीननाथ लोकेश्वर धकाः प्रख्यात जुल । अथे हे मेगु छगू नं बाखं दु । कालिगत सम्बत् ३४०० अर्थात् वि.सं. ३५६ सालपाखे सूर्यवंशी लिचवी जुजु अशुवर्माया राज्यकालय्

Binod Maharjan
9841369552, 9808644666

बि.आर्ट्स

B. Arts

- Banner, Flex Board
- Glow Sign Board
- Sticker Cutting / Printing
- Screen/ Rubber Print
- Self-ink/ Rubber Stamp
- PVC(IDY) Visiting Card
- & all kinds of press works

Nayabazar, Kirtipur
4335491, b_arts@yahoo.com

आयो नून खाउँ स्वस्थ रहौ

गाउँसम्म आयो, 'आयो नून' यसले लगायो घेरे गुन

आयोडिनको कमीबाट हुने विकृतिहरूः

१. गर्भ दुर्लभ, मुत पिस्तु जन्मिने, आम भ्रू भएकामे पिस्तु जन्मिने, जन्मेको पिस्तु चाँडे गर्न सक्ने ।
२. कक्काहक बलिन, लडा, लडेउम, वायुदुके, घेठो आदि हुन सक्ने ।
३. भट्टाईमा कमायेर भएँ पट्टा पटक फेला हुनुको साथै खोलकुट्या समेत पछाडि पर्नसक्ने ।
४. गलमाँड आउने, सुस्वप्नचलित हुने ।
५. आयोडिनको कमीले I.Q Level कम हुने ।
६. आयोडिनको कमी भएमा मानिसहरूमा आलस्यजन आउने, काम गर्ने क्षमतामा कमी आउने ।
७. आयोडिनको कमीबाट गर्भबस्तुले दुध कम दिने ।

आयोडिनको कमीबाट हुने विकृतिहरूः उपचार गरेर हटाउन सकिनेन । त्यस्ता विकृति आउन नदिन एकमात्र उपाय आने देखि आयोडिनयुक्त बालबालिकाको पिन्हः अंकित पाकेटको तुल मात्र प्रयोग गर्नु ।

साल्ट ट्रेडिङ्ग कर्पोरेशन लिमिटेड

केन्द्रीय कार्यालयः पो.ब.नं. ४८३, कालिमाटी, काठमाडौं, नेपाल, फोन नं. ४२७०३१५
४२७०१४, ४२७१२०८, फ्याक्स नं. ९७७-१-४२७१७०४, ४२७१३९५





‘थौकन्हे’ लयपौया ६९दँ बुन्हि हन

नेपालभाषाया लयपौ ‘थौकन्हे’या ६९दँ बुदिं क्यगु लसतायु छु। ज्याइवः यासें थीथी भाषासेवीपिन्त सिरपाः नाप ग्वाहालियापिन्त हने ज्या याःगु दु।

ज्याइवल्य मूपाहाँलिसे येँ महानगरपालिकाया प्रमुख विद्यासुन्दर शाक्य “प्रयागमान लुमन्ति नेपालभाषा सिरपाः” समालोचक पूर्ण ताम्राकारयात व “रेवतिरमणानन्द लुमन्ति नेपालभाषा सिरपाः” कवि पुष्परत्न तुलाधरयात लःल्हानादीगु खः। वयूकःपिन्त सिरपाःया दाता लुमिन श्रेष्ठ म्हाँतं भिद्धः तका दां नं लःल्हानादीगु खः। ज्याइवल्य दिपंकरमुनि ताम्राकार, मोतिलाल शिल्पकार व सुरेन्द्रभक्त श्रेष्ठयात नं हनादीगु खः। ज्याइवल्य मूपाहाँ प्रमुख शाक्य, समाजसेवी पञ्चवीरसिं तुलाधर, समालोच पुष्परत्न चित्रकारं थौकन्हे लयपौयात कयाः भिन्तुना न्वचु बियादीगु खः।

थ्व हे इवल्य ‘थौकन्हे’या सम्पादक व प्रकाशक रक्मिणी श्रेष्ठ च्वयादीगु सफू “नसात्वँसा वासः नं खः” नांया सफूया उलेज्या मूपाहाँ प्रमुख शाक्य व समाजसेवी पञ्चवीरसिं तुलाधरं मंकाःकथं यानादीगु खः।

“थौकन्हे”या सम्पादक व प्रकाशक रक्मिणी श्रेष्ठया सभाध्यक्षतायु जूगु उगु ज्याइवल्य तिलकप्रकाश कायस्थं सुभायु देखानादीगु खः। प्रा. प्रेमहिंरा तुलाधरं ज्याइवः न्थाकादीगु खः।

किपा : नृपेन्द्रलाल श्रेष्ठ

विश्वकप क्रिकेट

इङ्गल्यान्ड
मू दावेदार

प्रतीक शाक्य

सन् १९७५ र १९७९य् क्वचा:गु न्हापांगु व निगुगु विश्वकप क्रिकेट कासाया उपाधि वेष्ट इण्डजं त्याकूगु खः। उगु इलय वेष्ट इण्डज अजय जुयाच्वंगु खः। वेष्ट इण्डजया धाकयात हाथ्या: बीगु टिम छुं हे मद्दु धा:सा पाइमखु।

सन् १९८३य् जूगु स्वंगुगु संस्करणय् नं वेष्ट इण्डज उपाधिया मू दावेदार जुयाच्वंगु खः। वेष्ट इण्डज अ:पुकक हे फाइनलय् नं थ्यन। तर वेष्ट इण्डज उपाधिया नितिं जगु धेंधेंबल्लाय तुलनात्मककथं कमजोर भारतयात बुके मफुत। वेष्ट इण्डज उपाधिइ ह्याट्रिक याय् मफुत। व लिपा वेष्ट इण्डज आ:तक नं हाकनं ट्रफि थ:गु देशय दुत हय्फूगु म्दुनि। थ्व हे दथुइ सन् १९८७ इ अष्ट्रेलिया, सन् १९९२य् पाकिस्तान, सन् १९९६य् श्रीलङ्का विश्व विजेता जुइगु गौरव प्राप्त यात।

सन् १९९९, २००३ व २००७य् उपाधि त्याका: अष्ट्रेलिया ह्याट्रिक हे यात। अष्ट्रेलिया वंगु संस्करणया नं विजेता टिम खः। थ्व हे दथुइ भारत घरेलु कासाख्यलय् सन् २०११य् विश्व च्याम्पियन जुल। विश्वकपया मेगु संस्करण निन्हु लिपा इङ्गल्यान्डय् शुरु जुइ। थुगुसी छुं टिमं कासा त्याकी? अनुमान यायत तसकं थाकु। छाया धा:सा विश्वकपय् दुथ्या:गु भिगुलिं देश छगु टिमं मेगु टिमयात बुकेत सक्षम खनेदु। उकिं विश्वकप उपाधिया विजेता थ्व हे जुइ धका: धाय्गु नं गलत सावित जुइफु। अथेख:सां नं घरेलु टिम इङ्गल्यान्डयात मू दावेदारकथं कयात:गु दु। व लिपा भारत, अष्ट्रेलिया, पाकिस्तान, न्यूजिल्यान्ड, दक्षिण अफ्रिका व वेष्ट इण्डज नं उपाधि त्याकेत सक्षम खनेदु।

क्रिकेटतया जननी देय् इङ्गल्यान्ड आ:तक विश्वकप उपाधि त्याकेफूगु म्दुनि। स्वक्व:तक फाइनलय् थंका: नं च्याम्पियन जुइमफूगु इङ्गल्यान्डयात थुगुसी मू दावेदारकथं कयात:गु दु। थुक्रिया छुं छुं हुनि नं दु।

दकलय् न्हापां ला आइसीसी वरियताया शीर्ष थासय् दु इङ्गल्यान्ड। सन् २०१७य् च्याम्पियन ट्रीफिया सेमीफाइनलय् बुइधुंका: इङ्गल्यान्ड आ:तक एकदिवसीय श्रृङ्खला बूगु म्दुनि। थ्व हे दथुइ इङ्गल्यान्ड अष्ट्रेलिया (निक्व:तक), न्यूजिल्यान्ड, भारत व श्रीलङ्कायात श्रृङ्खलाय् बुकूगु दु। थुगुसी



वेष्ट इण्डजविरुद्धया श्रृङ्खला २/२गुया बराबरीइ क्वचा:गु जक इङ्गल्यान्डया नितिं कमजोर लिच्च: जूगु दु। विश्वकपय् म्हितीगु इङ्गल्यान्ड जक अजा:गु टिम खः, गुकी प्यम्ह ब्याट्सम्यान जोय स्ट, जस बट्लर, जोनी बेरिष्टा व इयोन मोर्गन आइसीसी वरियताया शीर्ष २०मह्य दुथ्यानाच्वंगु दु।

अथे हे घरेलु कासाख्य: व स्वकुमि इङ्गल्यान्डया नितिं दकलय् त:धंगु 'प्लस प्वाइन्ट' जुइ। स्वीड व बल मूभ जुइगु पीच व ओभरकाष्ट कण्डिशन इङ्गल्यान्डया क्रिकेटया विशेषता खः। गुगु अवस्थाय् म्हिते इङ्गल्यान्ड अभ्यस्त जुयाच्वंगु दु।

सन् २०१५य् विश्वकपया समूह चरणपाखें पिहां वनेधुंका: अपमानित महसूस या:गु इङ्गल्यान्ड व लिपा फुकक ध्यान एकदिवसीय व ट ट्वान्टी थेंजा:गु चिहाक:गु संरचनाया क्रिकेटय् त:गु खः। प्रशिक्षक ट्रेभर बेल्स व कप्तान इयोन मोर्गन टिमय् आक्रामक, सकारात्मक, जोखिम काइगु मनीस्थितया कासा दय्काबिल। व लिपा इङ्गल्यान्डया टिमय् चमत्कार जूगु दु। विश्वकप लिपा एकदिवसीय क्रिकेटय् दय्कूगु १७गु मध्ये १५गु दकलय् अप्व: स्कोर इङ्गल्यान्डया हे नामय् दु। थ्व हे दथुइ सन् २०१८य् अष्ट्रेलिया विरुद्ध ४८१गु रन व पाकिस्तान विरुद्ध ४४४गु रन दय्का: इङ्गल्यान्ड निगु दकलय् अप्व: स्कोरया कीर्तिमान नं दय्केत ता:लात।

निगुगु पालिइ दकलय् अप्व: ११गु मध्ये ५गु स्कोर इङ्गल्यान्डया नामय् दु। घरेलु कासाख्यलय् जूगु एकदिवसीय क्रिकेटय् लक्ष पूर्वकेगु इवल्य् इङ्गल्यान्ड १८गु कासा त्याकूगु दु। वंगु फेब्रुअरीइ वेष्ट इण्डज विरुद्धया कासाय् इङ्गल्यान्ड २४गु छक्का थ्वाना: विश्वकीर्तिमान दय्कूगु खः।

ब्याटिङ्ग इङ्गल्यान्डया दकलय् बल्ला:गु व ग्यानापूगु पक्ष खः। मोइन अलि थेंजा:मह

विश्वस्तरीय ब्याट्सम्यान च्यागुगु वरियताय् दुगुलिं नं इङ्गल्यान्डया ब्याटिङ्ग क्रम गुलि बल्ला: धइगु सीदु। जोनी बेरिष्टो व इयोन मोर्गन बांलाक कासा प्रदर्शन यानाच्वंगु दुसा जस बट्लर विश्व क्रिकेटया हे उत्कृष्ट विष्फोटक ब्याट्सम्यान खः।

इङ्गल्यान्डया बलिङ्ग नं सन्तुलित खनेदु। आदिल रसिद भलसा काय्बह:मह स्पीनर ख:सा बेन स्टोक्स व क्रिस वोक्स थेंजा:मह अलराउण्डर इङ्गल्यान्डया टिमयात थप शक्ति ब्यूगु दु। न्हूम्ह तेज बेलर जोफ्रा आर्चर इङ्गल्यान्डया टिमय् 'एक्स-फ्याक्टर' हइगु विश्वास यानात:गु दु।

इङ्गल्यान्ड लिपा भारतयात दावेदारकथं कयात:गु दु। विश्वया निम्ह शीर्ष ब्याट्सम्यान विराट कोहली व रोहित शर्माया उपस्थिति भारतया ब्याटिङ्ग तसकं बल्ला:गु खनेदु। विश्वया सर्वश्रेष्ठ बलर जसिप्रत बुमराह नं भारतया टिमय् दु। लिपांगु ४९गु एकदिवसीय कासाय् बुमराह ८५गु विकेट का:गु खः। इङ्गल्यान्डय् हे जूगु लिपांगु निगु च्याम्पियन ट्रीफि उपविजेता जूगु भारत इङ्गल्यान्डया 'कण्डिशन'य् म्हितेफूगु सावित यायधुंकूगु दु।

विश्वकपया दकलय् सफल टिम अष्ट्रेलिया पुलांमह कप्तान नापं उपकप्तान रिस्तम स्मिथ व डेभिड वार्नरया पुनरागमनय् उत्साह तनाब्यूगु दु। न्याक्व:तक विश्वकप त्याकेधुंकेगु अष्ट्रेलिया लिपांगु न्यागु मध्ये प्यंगु उपाधि त्याकूगु टिम खः। नकारतिन हे भारत व पाकिस्तान थेंजा:गु बल्ला:गु टिमयात बुकूगुलिं नं थुगुसी न्हापाथें जा:गु टिम मज्जुसा नं अष्ट्रेलियायात कमजोरकथं काय् मज्जु।

विश्वकपय् दक्षिण अफ्रिकायात दकलय् 'अभागी टिम'कथं कयात:गु दु। त:क्व:मछि दावेदार जूसां नं महत्वपूर्ण कासा बूगुलिं दक्षिण अफ्रिका ट्रीफिपाखें बच्चत जुजुं वयाच्वंगु दु। थुगुसी हासिम आम्ला व किटन डि कक दक्षिण अफ्रिकाया बांला:पिं कासामित खः।

तेज बलिङ्गया आक्रमण बांला:सा नं स्पीन पक्षय् धा:सा दक्षिण अफ्रिका कमजोर खनेदु।

न्यूजिल्यान्ड विश्वकपय् न्थ्याबलें बांलाक प्रदर्शन याइगु टिम खः। थ्व स्वयां न्थ्य:या संस्करणय् उपविजेत जूगु न्यूजिल्यान्ड उपाधिया दावेदारतय्गु नितिं थुगुसी नं दकलय् त:धंगु खतरा जुइफु। न्यूजिल्यान्डया टिमय् अलराउण्डरया बाहुल्यता खनेदु। अथे हे कप्तान केन विलियम्स व रस टेलर थेंजा:पिं ब्याट्सम्यान व टिम साउथी व ट्रेन्ट बोल्ट थेंजा:पिं बलरतय्सं याना: न्यूजिल्यान्ड स्वय् बह:गु टिम सावित जुइफु।

शुरुया निगु संस्करणय् विजेता जूगु इलय् वेष्ट इण्डज 'अजय टिम'कथं न्थ्य:ने व:गु खः। आ: वेष्ट इण्डजया स्तर उलि बांला: मज्जु। अथेख:सां एकदिवसीय संरचनाय् वेष्ट इण्डज कमजोर नं मज्जु। क्रिस गेल थेंजा:मह विष्फोटक ब्याट्सम्यान वेष्ट इण्डजया टिमय् दु। डारेन ब्राभोया उपस्थिति मध्यक्रम नं क्वातुगु खनेदु। एन्द्रयु रसेल थेंजा:मह अलराउण्डरया आगमन वेष्ट इण्डजयात उत्साह अफ्त तनाब्यूगु दु।

निदं न्थ्य: इङ्गल्यान्डय् हे मिनी विश्वकप च्याम्पियन्स ट्रीफि त्याकूगुलिं पाकिस्तानयात दावेदारया धलखं अलगा तय् फइमखु। पाकिस्तानया टिमय् इमाम उल हक व बाबर आजम थेंजा:गु भलसा यायबह:पिं ब्याट्सम्यानत दु। बलिङ्ग न्थ्याबलें थें पाकिस्तानया बल्ला:गु पक्ष खः। अथेख:सां पाकिस्तानया ब्वज्याय् धा:सा स्थिरता खनेदु।

विश्वकपय् दुथ्या:गु मेगु स्वंगु देय् श्रीलङ्का, बङ्गलादेश व अफगानिस्तानयात उपाधि त्याकीगु टिमकथं कयात:गु म्दु। अथेख:सां थ्व स्वंगुलिं टिमं छुं नं इलय् छुं नं टिमयात बुकेफूगु जूगुलिं थुगुसीया विश्वकप छुं नं टिमया नितिं कासा अ:पू जुइमखु धइगु खें प्रष्ट जुयाच्वंगु खनेदु।



सन् २०१७य् च्याम्पियन ट्रीफिया सेमीफाइनलय् बुइधुंका: इङ्गल्यान्ड आ:तक एकदिवसीय श्रृङ्खला बूगु म्दुनि। विश्वकपय् म्हितीगु इङ्गल्यान्ड जक अजा:गु टिम खः, गुकी प्यम्ह ब्याट्सम्यान जोय स्ट, जस बट्लर, जोनी बेरिष्टा व इयोन मोर्गन आइसीसी वरियताया शीर्ष २० मह्य दुथ्यानाच्वंगु दु।

(क) व्यापारी त्यासा
(ख) हायरपचेज त्यासा
(ग) आवासीय त्यासा




(घ) शेयर त्यासा
(ङ) मुहृती रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछैं, पाको, न्हूसतक, येँ, नेपा:

फोन ल्या: ४२३१०३६, ४२२२०६५, ४२१६१६७, फ्याक्स : ४२१६१६७



राम प्रजापति
प्रोप्राइटर

हार्ती मिठाई भण्डार

(शुद्ध शाकाहारी)

कालिमाटी चोक, टंकेश्वर मार्ग, काठमाडौं।
फोन नं. : ४२७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ।

भ्रष्टाचार विरुद्ध संघीय गठबन्धनया शान्तिपूर्ण धर्ना

पहिचानया स्थापना भ्रष्टाचार विरुद्धया थीथी माग तथा: 'पहिचानमा आधारित संघीय गठबन्धन'पाखे वंगु आइतवाःनिसें न्हूवानेश्वरय् छवाःया शान्तिपूर्ण धर्ना च्वंगु दु ।

विशेष यानाः प्रदेशया नामाकरण यायगु इलय् पहिचानया आधारय् नेवाः, ताम्बालिङ, शेर्पा, लिम्बुवान, किरात/खम्बुवान, मधेश व दलित शिल्पीया गैर भौगोलिक प्रदेश घोषणा, गण्डक, कर्णाली व सुदूरपश्चिम खारेज यानाः छसिकथं तमुवान-मगरात, थरुहट व खसान न तयमाःगु, स्वनिगलय् जुयाच्च्वंगु नेवाःतयगु भूमि, भाषा व सम्पदाय् जुयाच्च्वंगु दमन व अतिक्रमण बन्द यायत माग याःगु दु ।



गठबन्धनपाखे नेपाः राष्ट्रिय पार्टीपाखे डा. विजय सैजू, नेवाः राजनैतिक अभियानपाखे श्रीकृष्ण मानन्धर, नेपाल साँस्कृतिक पुनःजागरण अभियानपाखे असो

ज महर्जन, खसान राष्ट्रिय संघर्ष समितिपाखे प्रेम बहादुर खाती, आदिवासी जनजाति पार्टी, नेपाल सम्बद्ध तामाङसालिङ-नेवाः संघर्ष समितिपाखे बुद्धराज तामाङसालिङसं संघीय लोकतान्त्रिक राष्ट्रिय मञ्चय् आबद्ध थीथी संघसंस्थापाखे ल्हाःचिं तथाः पिथनातःगु वक्तव्यय् संविधान संशोधन यानाः १० प्लस १ प्रान्त कायम याय माःगु, माननीय सांसद रेशम चौधरीयात तत्काल त्वःतेमाःगुलिसें स्वनिगलय् अप्पया वनाच्च्वंगु जनसंख्याया चाप नियन्त्रण यासें अव्यवस्थित शहर विकास व न्हूगु शहर दय्केमाःगु माग यानातःगु दु ।

दफ्तर क्लब भवनया शिलान्यास

यै महानगरपालिका वडानं. २३य् च्वंगु दफ्तर क्लब भवन पुनःनिर्माणया निति वंगु शुक्रवाः शिलान्यास जूगु दु । प्रतिनिधिसभाया दुजः जीवनराम श्रेष्ठ व वडाध्यक्ष मचाराजा महर्जन मंकाःकथं उगु भवनया शिलान्यास यानादीगु खः ।



न्ह्यःने यंकेगु धयादिल । ज्याइवल्य् प्रतिनिधिसभाया दुजः जीवनराम श्रेष्ठ व वडाध्यक्ष मचाराजा महर्जन न थःथःगु नु गःखै तयादीगु खः ।

थ्यंमथ्यं ११गु लख ७५६ः तका तुइगु निगू तल्लाया भवन दय्केगु निति स्थानीय पूर्वाधार विकास कार्यक्रम अन्तर्गत सांसद श्रेष्ठया संसद विकास कोषपाखे धेवा बीगु जूगु दु । क्लबया नायः राकेश शाही भवन पुनःनिर्माण जुइधुंकाः सामाजिक, स्वास्थ्य, भाषा, कला व साँस्कृतिक ज्याइवःयात

जेष्ठ ३० गतेनिसे 'लिबाय् धुंकाः'

अडियो भिडियो स्टेशन प्रा.लि.या ब्यानरय् दय्कूगु नेपालभाषाया न्हूगु सकिपा 'लिबाय् धुंकाः' थ्व हे वइगु ज्येष्ठ ३० गते प्रदर्शन जुइत्यंगु दु ।

राजेशमान सिंह न निर्देशन यानादीगु थुगु सकिपाय् आशाकाजी थकु, आर.एल. महर्जन, नारायणदेवी प्रधान, आराध्यालक्ष्मी खड्गी, मन्जु श्रेष्ठ, भीसमेन रिजाल, कुमार कार्की, उत्तम खत्री, सुरज श्रेष्ठ (बकफ्लुस्), राजाराम भाम आदि कलाकार पिनसं अभिनय यानादीगु दु ।



सम्पादन तर्क यानादीगु दु ।

सकिपाया बाखं, पटकथा, संवाद व म्ये न निर्देशक राजेशमान सिंह च्वायादीगु खःसा कीर्ति श्यामसुन्दर जोशी व पिथुष कायस्थलिसे जानाः राजेशमान सकिपाया

नांजाःमह संगीतकःमि विरेन शाक्य व सुमन कपालीया संगीत दुथ्याःगु थुगु सकिपाय् सुमन कपाली, सानुबाबु महर्जन व रत्नशोभा महर्जन सः बिवादीगु दु । अथे हे, सकिपाया कोरियोग्राफी आराध्यलक्ष्मी खड्गी यानादीगु दु ।

भूषणया नेतृत्वय् च्वसापासाया

न्हापांगु भाषिक संस्था च्वसापासाया न्हूगु ज्यासना पुचःया न्हूम्ह नायःकथं भूषणप्रसाद श्रेष्ठया ल्यःगु दु । न्हूगु ज्यासना पुचलय् भरत सायुमियात छ्याञ्जे कथं ल्यःगु दुसा दुजलय् प्रा.नरमेश्वर प्रधान, डा.केशवमान शाक्य, रमेशकाजी स्थापित, डा. सर्वोत्तम श्रेष्ठ, डा. तेजरत्न कंसाकार, कवि पूर्ण वैद्य, सत्यभामा माथेमा व सुमिना तुलाधर प्रधानयात ल्यःगु दु । स्थापनाकालनिसे थौंतकक च्वसापासां याना वयाच्च्वंगु ज्याखँया नाप संस्थां फया वयाच्च्वंगु थ्याःक्वथ्याःया विषयस च्वसापासाया नायः भूषणप्रसाद श्रेष्ठ व्याकादिल ।

टिन प्रिन्सेज डिभा तःजिक क्वचाल

टिन प्रिन्सेज डिभा-२०१९या उपाधि गृष्मा शर्मा त्याकल । यँया राष्ट्रिय नाचघरय् क्वचाःगु उगु कासाय् गृष्मा उपाधिया नापनापं मोस्ट इलजेन्टया टाइटल नं त्याकूगु दु । अथे हे फर्स्ट रनअप अक्षिता राज्यलक्ष्मी व सेकेण्ड रनअप अग्रिमा पोखरेल जुयादीगु दु । उपाधि त्याकादीम्ह शर्मायात रेडियन्ट ईभेन्ट म्यानेजमेन्ट एजेन्सीया कार्यकारी निर्देशकलिसें फेशन डिजाइनर श्रीषा वैदार फैजुं ताज पुइकादीगु खःसा रेडियन्टया संस्थापक निर्देशकलिसें अन्तर्राष्ट्रिय कोरियोग्राफर राज फैजुं ट्रीफलःल्हानादीगु खः । शर्मायात उपाधिया नापनापं २०६ः तका सिरपाःकथं लःल्हाःगु खः । अथे हे प्रिन्टिन् पुचःपाखे बेलिस्मा कटवाल उपाधि त्याकूगु दु । वय्कल उपाधिया ताजया नापनापं ट्रीफ व २०६ःतका दां नं सिरपाःकथं त्याकादिल ।

याइगु संस्थापाखे श्याम सुन्दर शर्मा ल्हाःचिं तयादीगु खः । सम्भौताकथं न्यान्हु लिपा हे न्यागू लखतका बराबरया हार्डवेयर श्यामसुन्दर शर्मा नयाः मालीयात लःल्हानादीगु खः ।

मदुम्ह ज्यापु महागुथिया पुलांम्ह नायः विपेन्द्रया बिचाः मुँज्या

ज्यापु महागुथि नेपाःया संरक्षक, संस्थापकलिसें पुलांम्ह नायः, बौद्ध विद्वान, नेवाः समाजया अन्वेषक, संस्कृतिविद् विपेन्द्र प्रकाश महर्जन मदुगु दुःखय् थौं सञ्चरवाः बिचाः मुँज्या जुल । ज्यापु महागुथि, नेपाःया खसालय् जूगु उगु विचाः मुँज्या ज्याइवल्य् नेवाः न्ह्यलुवा मल्ल के. सुन्दर, प्रतिनिधिसभाया दुजः कृष्णगोपाल श्रेष्ठ, पुलांम्ह राज्यमन्त्री दिलीप महर्जन, यँ महानगरपालिकाया प्रमुख विद्यासुन्दर शाक्य, प्रदेशसभाया दुजः जीवन डंगोल, नरेश ताम्रकार, पवनमान श्रेष्ठ, मचाराजा महर्जन, राजभाइ ज्यापु आदिपिनसं मदुम्ह विपेन्द्र प्रकाश महर्जनया ब्यक्तित्वयात कयाः संस्मरण यानादीगु खः । ज्यापु महागुथिया नायः लोककीव राजभाइ जकःमिया सभाध्यक्षताय न्ह्याःगु उगु ज्याइवल्य् मदुम्ह महर्जन च्वायादीगु थीथी अनुसन्धानमूलक च्वसूयात मुंकाः सफूया रुपय् नेपालभाषाया नापनापं खस नेपाली भासं पिथनेमाःगु बिचाः तयादीगु खः । विपेन्द्र महर्जन वंगु जेठ १ गते बुधवाः ८३ दँया उमेरय् मदुगु खः ।

नेवाः देय् दबू १५ वडा कचा गठन

नेवाः आन्दोलन व अधिकारया निति नेवाःतयत छप्ये छधी यायगु ताःतुना नेवाः देय् दबूया १५ वडा कचा गठन जूगु दु ।

संगठन विस्तार यायगु इवल्य् स्थानीय सामुदायिक भवनय् च्वंगु भेलां बुधवाः १५ वडा कचा गठन यानाः नीछम्ह दुजः दुगु न्हूगु ज्यासना पुचः ल्यःगु खः ।

नेवाः देय् दबूया केन्द्रीय दुजः व यँ महानगरपालिका १८ वडाया वडाध्यक्ष न्हूछेकाजी महर्जनया सभापतित्वय् जूगु ज्याइवल्य् न्ववानादिसे दबूया मूल्याञ्जे

माइलाबाबु देउलां देय् दबूया न्हूगु विधान कथं १५ वडा समिति गठन यायगु ज्या जूगु खँ कनादिल । ज्याइवल्य् केन्द्रीय दांभरी शान्त श्रेष्ठ, केन्द्रीय दुजः हेराकाजी महर्जन, प्रदेश ३ या दुजः राजाराम श्रेष्ठ व यँ महानगरपालिका वडानं १५ या सदस्य मैयाँलक्ष्मी महर्जन पाहाँ कथं भयादीगु खः ।

नायः मन राजा रजितया नेतृत्वय् दय्कूगु १५ वडा कचाया ज्यासना पुचलय् न्वकु रमेश खड्गी, छ्याञ्जे अर्विन्द्रमान सिं, ल्यू छ्याञ्जे उद्वव खड्गी, दांभरी गीता श्रेष्ठ,

ल्यू दांभरी महेन्द्र महर्जन निर्विरोध ल्यःगु खः । अथे हे दुजलय् अमर रजित, निर्मला डंगोल, रिता ताम्रकार, मिना महर्जन, कुमार स्थापित, सुमन शाही, सुभाष डंगोल, केशव महर्जन, राजु महर्जन व सञ्जय ध्याकोयात ल्यःगु खः ।

प्रदेश नं ३ या छ्याञ्जे व डल्लु आवास क्षेत्रया नायः राजा शाक्यया संयोजनय् जूगु भेलां गठन याःगु न्हूगु ज्यासना पुचःयात मू पाहाँ देउलां देय् दबूया विधान कथं सपथ ग्रहण याकूगु खः ।

युद्धया...

भिगू लख तका दां तःगु दुसा उकिं याना कीर्तिलक्ष्मीया प्रतिमा पलिस्था यायगु ज्या तिब्र गति न्ह्याःगु दु । लिपांगु इलय् वया किपुलिङ कीर्तिलक्ष्मीया प्रतिमा तयगु निति स्थानीय प्रयागमान प्रधानया नेतृत्वय् कीर्तिलक्ष्मी प्रतिमा पलिस्था नाप व्यवस्थापन समिति तर्क नीस्वंगु दु । उगु समिति या दुजलय् अमन महर्जन, दिलिप कुमार महर्जन, भरत महर्जन, श्रीकृष्ण महर्जन, सुदरत्न महर्जन, विरेन्द्र शाक्य, इच्छा महर्जन, संघरत्न महर्जन, कमलेश महर्जन व विनोद श्रेष्ठ च्वनादीगु दु । किपूया स्थानीयवासी, जनप्रतिनिधि, बुद्धिजीवी नापं थीथी ब्यक्तित्वपिनिगु उपस्थिति जूगु तःजिगु भेलाया दथुइ अथे समिति नीस्वनेगु ज्या याःगु खः । अथे हे समितिया सल्लाहकारय् प्रा.डा. शिवशरण महर्जन, बुद्धिलाल ज्यापु, रविन्द्रबहादुर प्रधान, कृष्णमान डंगोल व वीरबहादुर महर्जनयात ल्यःगु दु । अथे हे उगु समितियात माःगु कथंया निर्देशन बिइगु निति निर्देशन समिति नं नीस्वंगु दु । जनप्रतिनिधितयगु उगु निर्देशन समितिया कजिइ प्रदेश सांसद पुकार महर्जन

अले दुजलय् किपू नगरपालिका वडानं. १ या वडा अध्यक्ष हर्ष महर्जन, वडानं. २ या वडा अध्यक्ष रमेशमान डंगोल, वडानं. ३ या वडा अध्यक्ष राजेन्द्र महर्जन, वडानं. ९ या वडा अध्यक्ष गंगाराम महर्जन व वडानं. १० या वडा अध्यक्ष अमन महर्जन च्वनादीगु दु । उगु समितिपाखे वइगु शनिवाः तकया निति कीर्तिलक्ष्मीया चित्र अर्थात स्केच च्वय्त सार्वजनिक सुचं तर्क जारी याय् धुंकागु दु । कीर्तिलक्ष्मी पृथ्वी नारायण शाहया फौज किपुलिङ आक्रमण याःगु इलय् किपूया नेतृत्व यानादीम्ह खः । पृथ्वीनारायण शाहयात निक्वः तर्क पराजित याःम्ह कीर्तिलक्ष्मीया प्रतिमा तयगु धइगु किपूमितयगु हे गौरवया खँ खः धकाः ताय्का अथे किपूया वीरताया प्रतिक कथं कीर्तिलक्ष्मीया प्रतिमा तयगु कुतः याःगु दु । कीर्तिलक्ष्मीनिसें युद्धनाप स्वानाच्च्वंगु विषययात स्थानीय सरकार किपू नगरपालिका, प्रदेश सरकारपाखे नं सरोकार व चासो तयगु ज्या याःगु दु । किपूमित जनताया ला भन अप्वः चासो दइगु स्वाभाविक हे खः । उकिं लिपांगु इलय् वया किपूयात युद्धनाप स्वाका अप्वः चर्चा यायगु ज्या नं जुयाच्च्वंगु खने दु ।

सडक ...

जनताया जग्गा सितकं काय् मदुगु, साँस्कृतिक सम्पदायात क्षति याय् मज्जु धकाः तत्कालिन संघीय समाजवादी पार्टी गुगु कथंया नीति आदिवासी जनजाति व नेवाःतयगु नापं उत्पीडित समुदायया पक्षय् च्वंगु खः उकियात कायम हे दु धकाः तर्क धयादिल ।

वय्कल आःया अवस्थाय् न्हूगु पार्टी समाजवादी पार्टी नेपालं समाजवादयात जक च्वना वनाच्च्वंगु मखु धयादिसे संघवादयात नं नाप नापं हे यंकाच्च्वंगु धयादिल । संघवाद धइगु नं छगू दर्शन खः धासें थुकियात बादया रुपय् थःपिनसं जक नाला च्वनागु खः धकाः तर्क धयादिल । थौंया इलय् संघीयतायात कर्तव्यनयनया सवालय् थःपिनिगु हे पार्टीया नेतृत्वय् दुगु २ नम्बर प्रदेशं नेतृत्व यानाच्च्वंगु दु धकाः तर्क वय्कल दावी यानादिल । अथे हे गुज्जःगु समाज खः उज्वःगु कथंया पार्टी थःपिनिगु पार्टी खः धकाः तर्क दावी यानादिल । संविधान संशोधनया माग पुग मजुइगु अवस्थाय् सरकार त्वःताः लिहां वय्गु न्हापा हे नीति च्वना च्वनागु दु धकाः तर्क कार्यबाहक नायः श्रेष्ठ धयादिल ।

शिक्षालाई सीपसँग, सीपलाई उत्पादनसँग, उत्पादनलाई बजार तथा बजारलाई रोजगारीको अवसर र आर्थिक विकाससँग जोड्ने अभिप्रायले नेपाल सरकारद्वारा गठित कार्यदलले मानव संसाधनको आँकलन तथा प्रक्षेपण कार्य गरिरहेको सन्दर्भमा नेपाल सरकार शिक्षा, विज्ञान तथा प्रविधि मन्त्रालय र सङ्घीय मामिला तथा सामान्य प्रशासन मन्त्रालयको वेभसाइट मार्फत वा www.hrp.gov.np मा रहेको online विवरण तथा सुझाव संकलन फारम योग गरिदिनुहुन अनुरोध गरिन्छ ।

Email: hrp@moest.gov.np
Toll Free No: 16600100382



नेपाल सरकार

सञ्चार तथा सूचना प्रविधि मन्त्रालय
सूचना तथा प्रसारण विभाग

कल्पनापाखें हाकनं सगरमाथाया सफल आरोहण



ला:गु दक्षिण मोहोडा थगुने नं सगरमाथाया सफल आरोहण यानादीगु खः ।

पत्रकार महर्जनं दक्षिण मोहोडां २० मे २०१८ अर्थात २०७५ जेठ ९ गते न्हापां सगरमाथाया सफल आरोहण यानादीगु खःसा उत्तर मोहोडां २३ मे २०१९ स सफल आरोहण यानाः कीर्तिमान तयत ताःलाःगु खः ।

मिसा पत्रकार कल्पना महर्जनं विश्वया सर्वोच्च शिखर सगरमाथाया उत्तरी मोहोडापाखें जेष्ठ ९ गते बिहीबाः सुथय १० ताः ई जुयाः २०गु मिनेटय सफल आरोहण यानादीगु दु ।

महर्जनं थ्व स्वयां न्हयः नेपालपाखे

अथे हे वाङ्मय शताब्दी पुरुषालिसें वरिष्ठ संस्कृतिविद् डा. सत्यमोहन जोशीया सचिद्धं बुन्धिया लसताय आरोही महर्जनं ललितपुर महानगरपालिकाया नां, लोगो व जोशीया कृपाः दुगु ध्वॉय सगरमाथाया शिखरय ब्ययकादीगु खः ।

किपू नगरपालिकापाखें प्रगति विवरण न्हयबवल

किपू नगरपालिकां छगू पत्रकार सम्मेलन यासैं बैसाख महिनाय जुगु ज्याया प्रगति विवरण न्हयबवलःगु दु ।

किपू नगरपालिकाया उप-मेयर नाप प्रबक्ता सरस्वती रिजाल खड्कां किपू नगरया गौरव योजनाकथं चम्पादे वी केबुलकार याकनं हे निर्माण जुइगु धयादीगु दु ।

छु न्हय जक नमूनाकथं याःगु प्लाष्टिकया पिचयात कयाः नं जानकारी बियादीगु खः । बैसाख दुने जक किपुलि ३७६महेसिया प्रधानमन्त्री रो जगार कार्यक्रमया नितिं आवेदन वःगु न



जानकारी बियादीगु खः । थुगु ज्याइवःया नितिं ३९गु लख तका व्ययकुं नं उगु पत्रकार सम्मेलनय कनादीगु खः । याकनं हे युवा सम्मेलन यायगु ग्वसाः दुगु नं जानकारी बियादिल ।

मानवविकासको विकासमिनि उदार, रान्न, संरक्षण तथा परापूर्व संयोजक भानि

बाल हेल्पलाइन-नेपाल

कुले पदि बालबालिका

हेला, मित्र, दुर्लभकार, परिवर्तन, ब्रह्म वा चौक रोषण उद्वेग हनाम, फेला परे, दुर्घटना, ओसार-पसार, अपहरण, जोखिमपूर्ण परे वा कस्युकै तख सल्लाहात्मिक सहयोग अवसरक परे १०९८ मा सम्पर्क जयी ।

१०९८ (दश-नौ-आठ)

काठमाडौं पत्रा-विज्ञान-संस्था प्रा.म. २३४५, रंगेश्वर, काठमाडौं फोन नं ४२२९७८८/४२२९७८९

विभिन्न संस्कृतिक विज्ञान-संस्कृतिक संस्थासित बाल हेल्पलाइन

काठमाडौं	चितवन	पोखरा	दुर्गा	नेपालगञ्ज
४२२९७८८	४२२९७८९	४२२९७९०	४२२९७९१	४२२९७९२

१०९८ (दश-नौ-आठ)

युथ कर्नर क्लब दोश्रो विद्यालय स्तरिय बृहत चित्रकला प्रतियोगिता २०७६

मिति : २०७६/२/३२ गते शनिवार, स्थान : पाटन दरवार क्षेत्र, ललितपुर

समूहः १. समूह 'क' कक्षा १ देखि ३ । २. समूह 'ख' कक्षा ४ देखि ६ सम्मको लागि शिर्षक : रहने छैन
३. समूह 'ग' कक्षा ७ देखि ९ सम्मको लागि शिर्षक : वातावरण र पर्यटक
४. समूह 'घ' कक्षा १० देखि १२ सम्मको लागि शिर्षक : पर्यटन विकासमा सम्पदाको महत्व
(प्रत्येक समूहबाट बढीमा ३ (तीन) जनाले मात्र भाग लिन पाउने !)

नाम दर्ता शुल्क : समूह 'क' रु. १००/-, समूह 'ख' रु. १५०/-, समूह 'ग' रु. २००/-, समूह 'घ' रु. २५०/- ।

नाम दर्ता गर्ने अन्तिम मिति : २०७६/२/२७ गते सम्म सम्पर्क

युथ कर्नर क्लब भवन, गोफल टोल, का.म.पा. २१, फोन नं. ४२२९७८८, ९८६९६६३५६०
निरञ्जन कुमार भट्टराई (अध्यक्ष/संयोजक) ९८४१-२४९७२८, सुजित कुमार श्रेष्ठ (उपाध्यक्ष) ९८४१-०८६८३२,
नबिन श्रेष्ठ (कोषाध्यक्ष) ९८०३-९६२९२२, रवि काजी शाक्य (सचिव) ९८४१-२७६४९६,
केदारेश्वरमान स्थापित (सह-संयोजक) ९८४१-०९२५९९, सोनु महर्जन (श्रेष्ठ) (महिला सदस्य) ९८४१९५०५६२

सेमिनार वा कार्यक्रमया नितिं लञ्च बक्सया डोर टु डोर सर्भिस यायगु नं व्यवस्था दु । नापं स्पेशल कुल्फी व बर्थ डे केक नं उपलब्ध दु ।

Delicious Sweets

बिगबेल
BIG BELL
Sweet & Snacks Pvt. Ltd.

Kamaladi, Ganeshthan
Kathmandu, Nepal
Tel: 01 4247075, 014244323

दीन, दुखी व असहायपिन्त निःशुल्क स्वास्थ्य सेवा प्रदान ।
दानी, सुखी व सम्पन्नयात सशुल्क स्वास्थ्य सेवा वरदान ॥

छत्रपाटी निःशुल्क चिकित्सालय (अस्पताल)

स्तरीय सुलभ स्वास्थ्य सेवा सकसिया निमित्त, असहायपिन्त जक निःशुल्क

उपलब्ध सेवा

२४ सै घन्टा सेवा

शल्यक्रिया

बहिरङ्ग सेवा

अन्य सेवा

७०८ गंगालाल मार्ग, छत्रपाटी, काठमाडौं, फोन : ४२९६९३८, ४२५७९९९, ४२६६२२९, E-mail: cfclinic@mail.com.np, www.free-clinic.org.np